



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memorïæ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

continens Impedimenta Et Adjumenta Æternæ beatitudinis

**Dirckinck, Johann**

**Coloniae Agrippinae, 1713**

29. Medium XVI. Cultus B. V. Patronæ æternitatis.

[urn:nbn:de:hbz:466:1-50716](https://nbn-resolving.org/urn:nbn:de:hbz:466:1-50716)

regnantem intueri; tibi enim vita non eripitur; sed in melius permutatur. Ita Mater S. Symphoriani Martyris.

## CONSIDERATIO XXIX

Medium XVI. Æternæ Salutis.

Cultus B. Mariæ V. Patronæ æternitatis.

*Qui me invenerit, inveniet vitam, & habuerit salutem à Domino. Proverb. c. 8.*

24. Decembris.

**C**onstans Doctorum sacrorum sensus est, cultum singularem ac venerationem Deiparæ Virginis, signum esse prædestinationis, atque efficax medium æternæ salutis. Ita cum aliis scribit S. Joannes Damascenus in fest. Annunt. B. V. *Devotum tibi esse ô Maria! est quedam arrha salutis, quam Deus iis dat, quos vult salvos fieri.* Ipsa enim est Mater Christi, & Christianorum, Mater viventium, cujus typus fuit Eva mater omnium in hac vita miserè viventium & morientium. Melior autem Mater Maria, quàm Eva: ipsa enim Mater est omnium & spiritali & eternâ in celo, vi-

O S

ta vi-

320 *Domus aternitatis. Consideratio*  
*tâ viventium*; ut ait S. Ephiphanius, hæ-  
resi 78. Et tanquam Mater pro omnibus  
filiis & cultoribus suis est sollicita: unde  
meritò ait: *Qui me invenerit, inveni-*  
*niet vitam & hauriet salutem à Domina.*  
Proverb. c. 8.

II. Diabolus Adversarius noster in-  
fensissimus, non tantùm tempore vitæ  
nostræ circuit, quærens, ut nos devoret  
sed vel maximè sub vitæ finem, insidiatur  
nobis; unde de eo dicitur Gen. 3. 15.  
*Tu insidiaberis calcaneo ejus.* Quemad-  
modum serpentes & colubri in pratis, sil-  
visque latitantes, non à pertâ vi; sed dolis  
se ulcisci, atque à tergo incautos morde-  
re, ac percutere in calce solent, indeque  
venenum in totum corpus proserpentis  
occidere; pari modo Cacodæmon in-  
sidiatur calcaneo nostro, & vitæ extre-  
mum acriùs impugnat: sed noli timere  
*Cliens Maria nulli aternum perit: Ipsa*  
*Patrona aternitatis te defendet; ipsa pro-*  
*teget; quia ipsa, tanquam stygis Do-*  
*mitrix, contrivit caput serpentis. Con-*  
*trivit primariò & virtute propriâ Chri-*  
*stus ipse: secundariò contrivit & ipse*

cum Christo & per Christum caput serpentis: *Ipsa conteret caput tuum.* Gen. 3. 15. Ita legit S. Augustinus, Chryso-  
 mus, Ambrosius, Gregorius, Beda, Bernardus &c. *Ipsa conteret*, quia ipsa semper plena & gloriosa Diaboli victrix exitit. *Unde Damones, audito nomine Maria, statim relinquunt animas.* ait S. Brigitta L. 1. Revel. c. 9.

III. Auget fiduciam Clientibus Marianis, quia Virgo beata est *Terror* hostium; est enim *pulchra ut luna, electa ut sol, terribilis ut castrorum acies ordinata.* Cant. c. 6. 3. Ac proinde anima Christiana, in hac vita, illi devota; non est, quod metuat: posita enim sub potentis huius Patronæ pallio, protecta ejus clypeo, munita patrocinio, secura de auxilio, generosâ mente iter æternitatis ingreditur. Nec formidet viæ ignotæ caliginem; quia ipsa est *pulchra ut luna*, tenebras morienti discutiens. Nec locum det anxietati aut tristitiæ: ipsa enim est *electa ut Sol*, solatii radios affundens, ac nebulas dissipans. Nec terreatur hostium stygiorum multitudine ac furore: quia ipsa

322 *Domus aternitatis. Consideratio*  
ipsa est *terribilis ut castrorum acies ordi-*  
*nata, phalanges tartareas in fugam con-*  
*vertens. Fortis est Diabolus, de quo Job,*  
*non est potestas super terram, qua ei com-*  
*paretur: beatissima tamen Virgo est illo fer-*  
*rior, quia illa caput ejus contrivit. S. Alber-*  
*tus M. super miss.*

*Excitatio.*

**M**acte igitur animo, ô Pusillanimus!  
Si morte, jam jam appropinquante,  
*Criminum immanitate turbatus; si con-*  
*scientia scditate confusus; si judicii hor-*  
*rore perterritus; barathro desperationis*  
*absorptus es; Mariam cogita, Mariam in-*  
*voca, non recedat à corde; non recedat ab*  
*ore, & opem, solatiumque senties. Sui-*  
*spira cum Iusto Lipsio: O Maria adju-*  
*famulo tuo, cum tota aternitate decerta-*  
*si; nec me deseras in hac hora, à qua pen-*  
*det salus anima mea aterna. Esto mihi*  
*Mater vitæ, Domitrix stygis, hostium*  
*terror, Patrona aternitatis. Esto mihi*  
*Maria de victoria in terris; & Maria de*  
*triumpho in cælis.*

25. Decembris.

Uterius fiduciam Clientibus Maria-  
nis auget; quia beatissima Virgo  
est *Janua cali & fenestra paradisi*, per  
quam in beatitudinis regiam intrant,  
quotquot intrant; sicut per eam velut  
Advocatam prædestinantur, quotquot  
prædestinantur. *Facta est*, inquit S. Au-  
gustinus Serm. 11. de Nativ. *Maria fe-  
nestra cali, quia per ipsam verum infudit  
saeculis lumen, & per ipsam Deus descendit  
in terram; ut per ipsam homines mererentur  
ascendere in calum.* Consentit Augu-  
stino S. Laurentius Justin. Serm. de ann.  
*Maria effecta est pro nobis cali janua, pa-  
radisi scala, inventrix mundi, & hominum  
verissima Mediatrix.* Ne igitur titubes, ne  
animo cadas: si hæc tibi janua pateat.

II. Beatissima Virgo, est quoque *scala  
jacob*, per quam hic vidit, Angelos ascen-  
dentes & descendentes. Gen. c. 28. 12.  
Per hanc scalam mysticam ascendunt in  
cælum, quotquot ascendunt. *Per Virgi-  
nem Mediatrix munere functam, homi-  
nines angelica vite, sublimet rapiuntur*

324 *Domus aternitatis. Consideratio  
in calum.* Ait S. Joannes Damascenus  
Serm. 1. de dormit. Virg. *Filioli, clamate  
Bernardus serm. de aquæduc. Hac pe  
catorum scala, hac mea maxima fiducia  
est; hac rota ratio spei mee.* Et tu, mil  
Etor, in hora mortis spera & confide  
quam Filius accurre ad Matrem; ut  
eam, velut scalam, merearis ascendere  
per eam velut januam, intrare, illa te  
quam deferet: *Hac enim est mater sancta  
spei, ad omne bonum, & supernam felicitatem.* S. Bernardus Sen. in summa p.

III. B. Virgo denotatur etiam per *Rubum*, quem vidit Moyses quod arderet  
non consumeretur: Exodi c. 3. 2. quo S. Gregorius Nyssenus orat. de Christi  
Nativ. *Ut frutex incendit ignem  
non crematur: itidem etiam Virgo lumen  
parit, & non corrumpitur.* Hinc tota  
Ecclesia: *Rubum quem viderat Moyses  
incombustum; conservatam agnovimus  
tuam laudabilem virginitatem sanctæ  
Genitrix.* Sicut autem Deus in rubo  
dit signum liberationis populi de manibus  
Ægyptiorum, & introductionis in  
terram lacte & melle manantem; in

beatissima Virgine Ipeni dedit piis fidelibus, liberationis à tyrannide infernalium Ægyptiorum, & deductionis in terram promissam cælestilacte & melle manantem.

*Commendatio.*

**O** Mater viventium ! & piè in Domino morientium ! *Janna, Scala rubus* ad æternitatis Domum emigrantium. In manus tuas maternas, post Deum & Jesum Salvatorem meum, commendo spiritum meum, jam sanus; ut eum commendatum habeas, quando in supremo agone, fortè vi morbi impeditus, eum commendare non potero. Tunc mihi, ô Mater ! Tunc in vitæ & mortis confinio ac horizonte constituto, atque in agone cum morte luctanti, esto Janua cæli, Scala Paradisi, Rubus ardens, tela nequissimi ignea, extinguens. *Quia tu ô Genitrix* vita ! *es unica spes peccatorum; per te expectamus veniam delictorum; in te nostrorum est expectatio premiorum.* S. Augustinus serm. de Ass. B. V.



26. Decembris.

I. **Q**uis fiduciam magnam, in B. Virgine non reponat; si cogitet ipsam esse *columnam nubis* & *ignis* ad terram promissam proficiscentium? Sicut enim populo Israëlitico, nunquam defuit columna nubis per diem, & columna ignis per noctem Exodi c. 15. Ita Virgo Deipara, nunquam deest populo Christiano; præsertim ad terram promissionis ælestem abiturienti; sed constanter tanquam nubes obumbrat; & tanquam ignis illuminat, viamque commoustrat. Præclarè id exponit S. Bonaventura in spec. c. 3. *Maria nobis est columna nubis, quia tanquam nubes protegit ab astu diuina indignationis, & diabolica tentationis. Maria est quoque columna ignis, multos nos misericordie beneficiis illuminans, quando nobis ad terram promissam migrantibus, viam ostendit, tenebras discipit, devia patefacit, fide illuminat, spe corroborat, charitate accendit, perseverantiâ coronat; atque ita in terram lacte & melle diuino manantem feliciter introducit.*

II. Sanctissima Virgo denique per Arcam Noë est adumbrata: ut enim huius ope, Noë, cum Coniuge & liberis, diluuium evasit, vitamque servavit; ita pretiosissimam Dei parentem, velut Mediatricem seu Patronam salvantur, quotquot salvantur. Hinc S. Bernardus serm. de B. V. *Maria est Arca Noë, per quam humanum genus, diluuium aeterna damnationis evadit: per illam octo tantum anima salvantur: per istam omnes ad aeternam vitam vocantur.* Hæc igitur mihi Clientum minimo, dum alii quam plurimi in diluvii fluctibus pereunt; erit Arca refugii, asylum salutis, & felix portus beatæ aeternitatis.

III. Ad illam, scilicet Virginem beatam, ut scribit idem S. Doctor serm. 2. in die Pent. *Sicut ad medium, sicut ad arcam Dei, sicut ad rerum causam, sicut ad negotium seculorum respiciunt, & qui in caelo habitant, & qui in inferno: & qui nos praecesserunt, & nos qui sumus, & qui sequerentur, & nati natorum, & qui nascentur ab illis. Illi qui sunt in caelo ut resarciantur: qui in inferno, ut eripiantur; qui pra-*

pra-

328 *Domus eternitatis. Consideratio  
precesserunt, ut Propheta fideles invenian-  
tur, qui sequuntur, ut glorificentur. Eo bea-  
tam te dicunt omnes generationes, Gene-  
rix Dei, Domina mundi, Regina cali, In  
te enim Angeli letitiã, iusti gratiam, pec-  
catores veniam invenerunt in æternum.*

*Colloquium.*

**O** Anima mea! paulò post ex hac pe-  
grinatione & ex hoc diluvio, ad  
portum beatitudinis æternæ migratura;  
illustrem hanc nubis & ignis mystici co-  
lumnam fixo oculo intuere, ad hanc sa-  
lutis tuæ arcam confuge: hanc cogita,  
hanc invoca, hanc sequere, hanc tene,  
sub & in ea secreta delitescere. *Mariam se-  
quens, ait idem Bernardus serm. 2. super  
Miss. non devias, ipsam rogans non despe-  
ras, ipsam cogitans non erras, ipsam tenens  
non corruis, ipsa propitiã non metuis, ipsa  
duce non fatigaris; ipsa propitiã perve-  
nis. Et ad terram promissionis & ad por-  
tum æternæ felicitatis. Dic ergo animi-  
tus, dic sæpius*

*Maria Mater gratia,  
Mater misericordia:  
Tu nos ab hoste protege,  
Et mortis horã suscipe.*

CON-